

Ka Loea Kalaiaina, Volume III, Number 45, 18 November 1899 — NA WAHI PANA O EWA I NALOWALE A HIKI OLE KE IKEIA [ARTICLE]

[Back](#)

NA WAHI PANA O EWA I  
NALOWALE A HIKI OLE  
KE IKEIA

Ua hooholoia iho la o Piliamoo ke hele i alakai no Aawawalei. I ka makaukauana o ka hele, ua haami ae la na aloha hope no kamaaina o kauhale, a kaha aku la hele mahope iho o ka omau ana i na ihu me kamaaina. Haa lele iho la i kauhale a pii aku la i ka pali a hiki i ke Ahuohapuu, ilaila pale ka ike ia Waimea, hele aku o ke kula o Kapaeloa a iuu i ka wai o Punaluu, he wahi wai keia ma iloko o ke kai, he ono nae ke iuu iho, "Ko'u ka puu i ka wai a ka Naulu" i ka ua mea o ka ono. Hele aku o ke kula o Lauhulu, a hala ia kula loa; hehi aku o ke one o Puaena, a hala ia; hele aku o ke one o Maaaea.

Aia ia laua nei e hele ana ma kahaone, aia ilaila kekahi mau wahine moe e noho ana iloko o ka loko o Ukoa; ia laua i ike mai ai ia Aawawalei ma i ka hele ae ma kahaone, ua noke iho la laua i ka noopaapaa. I aku la kekahi i kekahi, he moe ko ke kokoolua o kela mau wahine e hele ae la ma ka neone. I mai la hoi kekahi mau wahine kanaka no kela e hele ae la.

Ia Aawawalei e uana ana i uka, ua ike aku la oia he mau wahine e kiei mai ana; ua pane ae la oia i kona hoo, he mau wahine hoi kela e kiei mai la ia kaa. I mai

la hoi kona hon, aole paha kela  
he mau wahine he mau moo. Ao-  
lo kela he mau wahine kanaka au  
e ike aku la, he mau wahine moo  
lana.

E wehewehe iki aku ka mea-  
kakau no ke kokolua o Awawalej  
e hele pu nei me ka u-i o Ewa.  
O Piliamoo, elua ona mahale ki-  
no; he kino moo a he kino kana-  
ka, a ma ke kulana o ke kino ka-  
naka ona e hele pu nei me ka u-i  
Ewa. O keia iho la ke kumu o ke  
kisi ana mai o kela mau moo ia  
lana nei a ulu ai ka hoopapaa ia

ana, a ua pololei no hoi ka ike o  
kahi a ua mau moo la ma o Pili-  
amoo la.

A hala ke oue o Maenaa, a  
a-uu lana nei o ka wai o Anahulu,  
luu wahi wai o Anahulu, olu kela  
a hala o Kepuwai, o au e wawe  
lana nei, a hiki i ka hala ana o  
ke kula o Kamooloa; a hala o Pi-  
ikaluae, pii i ke kula o Kamoo a  
kau iluna o ka Pohaku-hailili  
haralepo. Alaila lana nei huli  
aku la nana ia kai o Weialua, a  
ike aku la i ka la'i malie mai a  
ke kai o Puaena a me ka oni ao o  
ka lae o Keahu-o-Hapuu iwaho;  
ilaila i hu ae ai ke aloha ia Pili-  
amoo, a uwe iho la i ka ike ana  
aku i kona aina hanau, a me na  
makua a me ka ohana. Alaila la,  
kau aku la ua Piliamoo nei i ka-  
na mele aloha no kona aina ha-  
nau penei:-

Aloha kuu aina i ka maka o ka  
Opua e—

Ke au ae la ka lae o Keahuoha-  
puu i ke kai

O ka lae iki o Waimea, o ka lae  
nui o Waimea

Ke hele ae la ka lae o pili me Pi-  
liama

Ua uhiia e ka chu a ke koi paa  
a'u lehua i ke kai

Awili lehua—a—

Aloha no ka aina nobo i ka malu  
a ke no a—

Aloha—no—

A pau ae la keia mele, ku ae la laua hele. Hele aku laua o ke kula o Halahape, a hala ia; au aku laua o ka wai o Kaukonahua, a hala ia; kau laua nei i ke kula o Mahu, alaila, ike laua nei ike ia kai o Ewa. Huli o Waiialua no Ewa ka pahuhopu.

A hala ia laua nei ka wai o Waikakalaua a me ke kula o Punaluu, a iho i kahawai o Kipapa a kau iluna iho i kai o Waipio, a iho iho la i ka wai o Kahuaiki, olu kela. Huli aku la no ko laua nei alo no Honouliuli, aole nae laua nei i hele mauka, kaha iho la laua nei hele makai o Waikele a hiki ana i ka hale, ea aku no e noho mai ana no na makua a me ka ohana no a pau. Uwe nui iho la a pau, ia wa i huli ae ai o Awawalei e ike i kana aloha eia nae aole oia i ike ae; eia ka uane i Hemokaumoki i kai o Puuloa; ua lilo me Keabi ka u-i Lanahiahia ko Puuloa kaikamahine akamai i ka ohu alelo wana. Nana ae le o Awawalei i ko laua wahi moe, o ka waino mai no a ka nu'amoena me ka uluna, aole ke kanaka aia i Mana. Ua uwe ae la ia me ka leo nui me ka nana ole ihe hoi i ka noho ae o kona hochele o ke alanui,

O ka uwe o ka helu, a ku a uwe maoli ko ka hale a pau, a no ko ia nei uwe haalipo loa hoi, nolaila hoomanao ae la hoi ka meakakau i kekahi mele kahiko o na 'lii penei:—

O ka liko o ka uahi, uahi nae manuu

Uahi poahi manu o Kaukini a—

O ko kini lawaia-manu o Pokahi

Upena kuku ole o Puawalii

He alii ke ahi manu no Kaauana

Auwe—E uwe iho no au a pau ke aho

I ka lohe ana mai he h a ko kuu aloha

Ae—a—

E ae ana au ua lilo ka pili, ua hai

ia aku kuu moe i make ai  
I noho ai nei kanaka me ke aloha,  
ae—a—  
Aia i Apua ka liko o ka lani  
Ke hiwaia mai la e ka Maino  
E ka noe ohu mauna ia'u mauna,  
ae—la—  
E—u—ana au e mihi i kuu kino  
I u--ku no ka mo--e i moe ai  
Ia moe—a—  
-----♦♦♦-----

This article has been automatically clipped from the Ka Loea Kalaiaina 18 November 1899, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).